

續  
文  
獻  
通  
考

續文獻通考卷之二百十七

皇明進士雲間王圻纂輯

彙緯考

日變

月食

月變

太陰五星陵犯上

日變

宋理宗寶慶三年十二月己酉日生背氣 紹定三年二

月丙申日有背氣 四月己巳日暈 景定五年九月

己丑日生格氣

恭帝德祐二年二月日中有黑子大如鵝卵相盪久

遼太祖元年正月己未白氣貫日

道宗太康三年五月癸亥日中有黑子

金

太宗天會七年三月己卯朔日中有黑子

熙宗天會十四年十一月丙寅日中有黑子斜角交行

海陵天德二年正月甲辰日有暈珥白虹貫之十一月

丙戌復然貞元三年四月丁丑朔昏霧四塞日無光

凡十有七日正隆五年八月庚午日中有黑子狀如

一入六年二月甲辰朔日有暈珥戴背

世宗大定二十九年正月己卯巳初日有暈左右有珥上

有背氣兩重其色紫赤而厚復有白虹貫之亘天其東

有戟氣長四尺餘五刻而散丁巳巳初日有兩珥上

有背氣兩重其色青赤而淡頃之背氣于日上爲冠已

海陵俱散二月甲子辰刻日上有重暈兩珥抱而復背

背而復抱凡二三次 乙丑日暈兩珥有負氣承氣而  
白虹亘天左右有戟氣

世宗嘗問紇石烈良弼曰每旦暮日色皆赤何也良弼  
對曰旦而色赤應在東高麗當之暮而色赤應在西夏  
國當之願陛下修德以應天則災變自弭矣旣而夏國  
有任德敬之亂高麗有趙位寵之難其言皆應

章宗明昌四年九月癸未日上有抱氣二戴氣一俱相連  
左右有珥其色鮮明 泰和三年十月戊戌日將沒色  
赤如赭 四年三月丁卯日昏無光 五年七月癸巳  
申刻日上有背氣一內赤外青須臾散 八年四月癸  
卯巳刻日暈二重內黃外赤移時散

衛紹王大安二年正月庚戌日中有流星出大如盆

宣宗貞祐三年正月壬戌日有左右珥上有冠氣移刻散

二月己巳日初出如血將沒復然興定五年四月

丙子日正午有黃暈四匝其色鮮明元光二年五月

辛未日暈不匝而有背氣

哀宗正大四年十一月乙未日上有虹背而向外者二約

長丈餘兩傍俱有白虹貫之八年三月庚戌酉正日

忽白而失色乍明乍暗左右有氣似日而無光與日相

陵而日光四出搖蕩至沒夫興元年正月壬午朔日

有兩珥三年正月己酉日大赤無光

元

世祖中統三年十一月辛丑月有背氣重三珥 至元  
二十四年七月日暈連環白虹貫之 二十九年正月  
朔日食有物漸侵入日中不能既日體如金環然左右  
有珥上有抱氣

武宗至大四年正月壬辰日赤如赭

仁宗延祐元年三月己亥日暈直天連環貫日 五月甲

戌日赤如赭 乙亥如之 九月甲寅戊午亦如之

三年五月甲申至戊申日赤如赭 七年三月乙未日

有暈若連環然

英宗至治元年三月己丑日交暈如連環

順帝元統元年三月日赤如赭 至閏三月丙申癸丑甲

寅皆如之 至元元年十二月戊午日赤如赭 至閏  
十二月丁亥戊子己丑皆如之 二年二月壬辰日赤  
如赭乙未丙申如之 至三月庚申壬戌癸亥四月丁  
丑十二月甲戌皆如之 三年正月丁巳及八月癸未  
日有交暈左右珥上有白虹貫之 十月癸酉日赤如  
赭 四年閏八月戊戌日赤如赭 己亥壬寅至九月  
庚寅皆如之 五年正月丙寅日有交暈左右珥上有  
白虹貫之 二月辛亥日赤如赭 庚申辛酉四月丁  
未皆如之 至正元年三月壬申日赤如赭 十五年  
二月丙子日赤如赭 十六年三月有兩日相盪 十  
七年七月日有交暈連環貫之 十八年三月己亥朔

日色如血 二十五年三月日有暈內赤外青白虹如  
連環貫之 二十六年二月丁卯日有暈左珥上有背  
氣一道 二十七年二月十三日仰視日旁一月一星  
月如初弦者

皇明

太祖洪武八年四月甲寅欽天監言日上有青氣在趙分  
恒山之北北夷遼東之地遂遣使往北邊 諭傅友德  
并定遼等處都指揮司計戍練兵嚴飭守備 十年十  
月乙亥白虹貫日 十六年癸亥春正月戊申白虹貫  
日 十九年丙寅春三月白虹貫日 二十二年冬十  
二月白虹貫日 十二年夏四月庚申日有暈 上敕



李文忠沐英等日交暈在秦分主有戰鬪之事己未太白見東方至于甲子順行而西西征大利宜追擊番寇建文元年太史奏赤日無光時教諭程濟上言北兵將起應在明年上以爲妄囚之

英宗正統元年秋九月白虹貫日天順三年十月日暈數重

憲宗成化二年正月甲辰朔辰時日暈及左右珥背氣赤黃色鮮明十一年六月己酉卯刻日生左右珥重暈背氣赤黃色鮮明

世宗嘉靖二十四年十二月自二十二日至二十六日日輪外有黑氣如盤與日光摩蕩三十四年十二月晦

日日光忽暗青黑紫色日影如盤數十相摩視久則百  
千飛盪滿天向西北而散

穆宗隆慶五年三月辛巳日暈有珥白虹亘天左右戟氣  
俱蒼白

月食 月變

宋理宗寶祐六年十月辛卯夜月食 淳祐八年二月戊  
子月生黃白暈

遼穆宗應曆十七年十一月司天臺奏月當食不虧上以  
爲瑞惟飲達旦

金

太宗天會十一年五月乙丑月忽失行而南墳之復故十

二月丙戌月食昴

熙宗天會十三年十一月乙酉月食命有司用幣以牧著  
爲令

海陵天德三年二月丙辰月食 四年十二月丙子月食  
元貞元年十二月庚午月食 二年三月辛巳月食  
十一月甲子月食 正隆二年二月辛巳月食 五  
年正月甲午月食 六年七月乙酉月食

世宗大定三年十一月丙申月食既 十六年三月庚申  
月食 九月丁巳月食 十九年正月甲戌月食既  
二十二年十一月辛巳月食既 二十三年五月巳卯  
月食既 二十九年十二月辛丑月食既

章宗明昌元年六月丁酉月食既 十二月乙未月食

二年六月壬辰月食 三年四月丁巳月食

時司天臺劉道用改進新曆詔學士院更定曆名張行  
簡奏乞覆校測驗俟將來月食無差然後賜名詔翰林  
侍講學士党懷英等校定道用新曆明昌三年不置閏  
即以閏日爲三月二年十二月十四日金木星俱在危  
十三度道用曆在十三日差一日三年四月十六日夜  
月食時刻不周道用不會考驗古今所記比證事跡輒  
以上進不可用道用當從一年取贖長行彭徽等各杖  
八十罷去 四年正月丙子月有暈白虹貫其中 九  
月戊申月食 五年十月癸卯月食 承安元年八月

壬戌月食既 二年二月丁巳月食既 三年正月甲

寅月食 七月庚戌月食 五年五月庚午月食 泰

和元年十一月辛酉月食 二年五月己未月食 三

年三月癸未月食 四年九月乙亥月食 五年三月

壬申月食 八月己巳月食 六年八月癸卯月暈圍

太白熒惑二星 七年正月丙戌初更月有暈圍歲鎮

二星在參畢間 辛卯月食 七月戊子月食 八年

正月丙戌月食

衛紹王大安元年六月丁丑月食 十月乙丑月食

宣宗貞祐二年二月庚戌月食 八月丁未月食 三年

八月辛丑月食 四年二月己亥月食 閏七月乙未

月食 興定元年十一月癸未月暈圍金星彗二星  
木在胃火在昴 十二月戊午月食 二年六月乙卯  
月食 十一月壬子月食既 三年五月庚戌月食既  
十一月乙巳月食 癸丑白虹二夾月尋復貫之  
四年五月甲辰月食 六年四月癸亥月食 元光二  
年九月壬申月食

哀宗正大七年十月己巳月暈至五更復有大連環貫之  
絡北斗內有戟氣

元世祖至元二十四年月暈圍金土二星

順帝至正十三年三月月食太白是時徐真一倪蠻子陳  
友諒等亂漢沔

皇明

成祖永樂元年正月月當食不食時禮部尚書李至剛請  
率百官稱賀上曰王者能修德行政任賢去邪然後  
日月當食不食適以陰雨不見豈果不食耶勿賀

穆宗隆慶四年七月十五日夜月食二分一十三秒照例  
免行救護

今上萬曆二十年禮部奏曆科題五月十六日晚月食誤  
認夜望之行各衙門于十五夜三更赴中府救護先  
是欽天監奏三月十五日月食復圓在于卯刻救護宜  
在寅刻

等字

宋

寧宗嘉定十五年八月甲午彗出氐

理宗紹定五年閏九月庚戌彗星出于角 嘉熙四年正

月辛未彗星出于營室 甲午彗星犯王良西南第二

星 景定五年七月甲戌夜彗星出柳長竟天巳卯退

于鬼八月辛巳退于井戊午退伏甲子復見于參辛未

化爲霞氣 時考功郎官趙景緯應詔上奏曰今日求

所以解天意者不過悅人心而已百姓之心即天心也

錮私藏而專天下之同欲則人不悅保私人而違天下

之公議則人不悅閭閻之糟糠不厭而無私之供奉自

如則人不悅百姓之膏血日朘而符移之星火甚急則



人不悅不公於已而欲絕天下之私則人不悅不澄其  
源而欲止天下之貪則人不悅夫必有是數者斯足以  
召怨而致災願陛下損內帑以絕壅利之謗出嬖倖以  
節用度之奢弄權之貂寺素爲天下之所共惡者屏之  
絕之毒民之恩澤侯嘗爲百姓之所憤者黜之棄之擇  
忠鯁敢言之士置之臺諫以通關鬲之壅選慈惠忠信  
之人使爲守宰以保元氣之殘又必稽乾淳以來凡利  
源窳名之在百司庶府者悉隸其舊以濟經用之急公  
田派買不均之弊聽民自陳隨宜通變以安田里之生  
則人心悅天意解矣人之常情懼心每發于災異初見  
之時不能不潛移於諂諛交至之後萬一過聽左右寬

譬之言曲爲他說以自解毛舉細故以塞責而恐懼之  
初心弛則下拂人心上違天意國之安危或未可知又  
曰損玉食不若損內帑卻貢奉之爲實避正朝不若寒  
倖門廣忠諫之爲實肆大青固所以廣仁恩不若擇循  
良黜貪暴之爲實蓋天意方回而求豫人心乍悅而旋  
疑此正陰陽勝復之會眷命隆替之機也

遼太宗會同四年八月壬申有星孛于晉分

聖宗開泰三年正月乙未夕彗星見西方

道宗咸雍二年三月壬午彗星見于東方 太康五年十

二月丙午彗星犯尾 壽隆三年七月己巳彗星見于

西方

金

太宗天會十年八月辛亥彗星出于文昌

熙宗皇統五年四月丙申彗星見于西北長丈餘至五月  
壬戌始滅 七年正月辛未彗星出東方長丈餘凡十  
五日滅

宣宗興定六年八月己卯彗星出于角亢右攝提周鼎之  
間指大角有司奏除舊布新之象宜改元脩政以消天  
變于是改是年爲元光元年九月丁未滅

哀宗天興元年九月己酉彗星見東方色正白長丈餘灣  
曲如象牙出角軫南行至十二日長二丈十六日月燭  
不見二十七日五更復見東南約長四丈餘至十一月一

日始滅凡四十有八日司天奏其咎在北哀宗曰我亦  
比人今日之事我當滅也何乃不先不後適丁此乎

元

世祖至元元年七月彗星出輿鬼昏見西北貫上台掃紫  
微文昌及北斗旦見東北凡四十餘日十四年癸亥  
彗星出東北長四尺餘三十年十月庚寅彗星入紫  
微垣抵斗魁光芒尺許凡一月乃滅

成宗大德二年十二月甲戌彗出子孫星下五年九月  
乙丑自八月庚辰彗出井二十四度四十分如南河大  
星色白長五尺直西北後經文昌斗魁南掃太陽又掃  
北斗天機紫微垣三公貫索星長丈餘至天市垣巴蜀

之東梁楚之南宋星上長盈尺凡四十六日而滅  
八年三月乙丑自去歲十二月庚戌彗星見約盈尺指東  
南白色測在室十一度漸長尺餘復指西北掃騰蛇入  
紫微垣至是滅凡七十四日

仁宗皇慶二年三月丁未彗出東井

順帝至正三年夏四月有星孛于王良至七月壬寅没于  
貫孛 五月彗星見于東北如天船星大色白約長尺  
餘彗指西南測在昴五度戊辰往西南行日益漸速至  
六月辛未芒彗愈長約二尺餘丁丑掃上丞巳卯光芒  
愈甚約長三尺餘入園衛壬午掃華蓋杠星乙酉掃鉤  
陳大星及天皇大帝丙戌貫四輔經樞心甲午出園衛

丁酉出紫微垣戊戌犯貫索掃天紀七月庚子掃河間  
癸卯經鄭晉入天市垣丙午掃列肆巳酉太陰光盛微  
赫芒彗出天市垣掃梁星至辛酉光芒微小瞻在房宿  
鏡閉之上罰星中星正西難測日漸南行至是凡見六  
十有三日自昴至房凡歷一十五宿而滅六年二月  
巳酉彗星如房星大色白狀如粉絮尾跡約長五寸餘  
彗指西南測在房七度漸往西北行至三月庚辰凡見  
三十二日至正十一年十一月辛亥孛星見于奎宿  
癸丑孛星見于婁宿甲寅孛星見于胃宿乙卯亦如之  
丙辰孛星見于昴宿丁巳孛星見于畢宿十六年八  
月甲戌彗星見于正東出軒轅左角大星色青白彗指

西南約長尺餘測在張宿十七度一十分十月戊午滅  
跡西北行四十餘日 二十年三月戊子彗星出東方  
二十二年二月乙酉彗星見光芒約長尺餘色青白  
測在危七度二十分 丁酉彗星犯離宮西星至二月  
終光芒約長二丈餘三月戊申彗星不見星形惟有白  
氣形尚竟天西指掃大角 壬子彗星行過太陽前惟  
有星形無芒如酒盃大昏濛色白測在昴宿六度至戊  
午始滅跡 六月辛巳彗星見于紫微垣測在牛二度  
九十分色白光芒約長尺餘東南指西南行戊子彗星  
光芒掃上宰七月乙卯彗星滅跡 二十三年三月辛  
丑彗星見東方經月乃滅 二十六年九月庚子孛星

見于紫微垣北斗權星之側色如粉絮約斗大往東南  
行過犯天棓星 辛丑孛星測在尾十八度五十分  
壬寅孛星測在女二度五十分 癸卯孛星測在女九  
度九十分 甲辰孛星測在虛初度八十分 乙巳孛  
星出紫微垣北斗權星王衡之間在于軫宿東南行過  
犯天棓經漸臺輦道去虛宿壘壁陣西方星始消滅焉  
二十八年春正月庚寅彗星出于昴畢之間 三月  
又出于昴北 是歲元亡

瓊山丘氏曰史綱終于彗見于昴何以天道終也終于  
天道何昴胡星也彗除舊布新之象也唐李淳風作晉  
天文志成帝咸和七年十二月癸惑守昴八年七月癸



惑入昴占曰胡主死是月石勒果死九年八月又犯昴  
十一月石虎廢石弘幽殺之淳風曰是時雖二石僭號  
而其強弱常占于昴不開太微紫宮也自是精於天文  
者首稱淳風其言如此則昴爲胡星明矣又言強弱不  
關太微紫宮則胡人雖入中國僭大號不得當正統又  
明矣我 聖祖以正月即 皇帝位復中國之統彗星  
即見于昴畢之間三月又出于昴北七月而元亡除腥  
羶之舊織布文明之新化天人之際淵乎深哉

皇明

太祖洪武元年正月庚寅彗星見于昴畢之間 是年春  
三月彗星見昴北 九年秋七月五日有星孛于北斗

欽天監奏伏星見殺氣多遂釋被刑之家親屬還鄉諸  
司爲之一空 十八年九月乙酉日彗長丈掃翼 冬  
十月彗星掃天廟 二十四年夏四月彗星三入紫微  
垣

宣宗宣德六年辛亥夏四月有星孛于東井 八年秋八  
月彗出天倉旁入貫索掃七公鄭曉曰是月有恠星見  
或曰歸邪星

景皇帝景泰元年庚午春正月壬午彗星出天市垣掃天  
紀 閏正月彗星又見 三年壬申春三月甲午有星  
孛于畢

英宗天順三年十月彗出星變日暈數重

憲宗成化元年二月彗星見西北長三丈餘三閱月乃沒

四年戊子秋七月有星孛于北斗 九月癸亥客星

變爲彗星 戊辰彗星辰見東北方 己巳彗星昏見

西南方 丁丑昏刻彗星犯七宮西等四星 壬午昏

刻彗星入天市垣 十月甲寅彗星犯天屏西第一星

十一月戊午夜彗星滅 七年十一月彗見軒轅

十二月丁丑夜彗星北行其光益大橫掃太微垣卽僦

星 己卯夜彗星光芒長大東西竟天自十一月北行

二十八度餘犯天槍尾掃北斗三公太陽 上以星變

避正殿徹樂 丙戌立春昏刻彗星犯天河星 七年

辛卯冬十一月彗星見于東北大赦天下是星出天

入太微垣其象首約而尾散且長光燁然炫目狀如

帝時 上久不接見廷臣議政事上下情隔言者

此召變 八年壬辰春彗星見軒轅

孝宗弘治三年庚戌冬十二月辛亥彗星見于天津 十

三年庚申夏五月朔日彗星見

武宗正德元年秋七月己丑彗星見參井掃太微垣戊戌

乃滅是年彗星掃文昌臺官云應在內閣後劉瑾用事逐大學士劉健謝遷一時九卿臺諫無不受禍蓋

文昌被掃之應 十五年彗星見 十六年春正月有星孛于

東南頃之橫絕東西復為鉤屈

世宗嘉靖二年有星孛于天市給事中周璉言此乃竄言

官曾嘉庇李隆崔文日討迎立恩典之應不報 十年

辛卯夏六月乙巳彗星見東井

命九卿投劾都御史汪鏞劾點勘御史蔣完等

有差張孚敬罷

十二年夏六月彗星見昂畢射天潢

八月

初三彗星見東井漸長至丈餘掃太微垣諸星至十二

月凡一百一十五日方滅 十三年秋七月彗星見

十八年巳亥夏四月庚申彗星見兩旬始滅

穆宗隆慶三年十二月彗星見女尾

今上萬曆二十年欽天監揭稱七月初三日乙卯五更東

北一彗星形如彈丸其色蒼白尾向西南方約長三尺

餘測在井宿度分

太陰五星陵犯上

宋

理宗寶慶三年正月戊寅熒惑入氐 十一月辛亥熒惑  
犯鎮星辛酉犯歲星 紹定元年十月熒惑犯壘壁甲  
子犯鎮星十一月癸酉入羽林 三年六月乙酉歲星  
入井 六年四月戊寅歲星守太微垣上相星五月己  
酉月入氐 端平元年五月辛巳熒惑入鎮九月辛丑  
熒惑入斗 二年八月太白犯太微垣左執法星 嘉  
熙元年五月丙子熒惑犯太微垣上將星 二年七月  
壬寅熒惑犯輿鬼 四年十一月甲子熒惑入太微垣  
淳祐三年七月丁亥太白入井 五年四月甲申鎮  
星犯太微垣上相星 六年四月壬戌月犯太白八月  
辛酉犯房 七年七月己未月入心 十一年七月丁

西熒惑入井 寶祐四年六月丁亥太白入井 十二月庚申犯鎮星 五年十二月丁未熒惑入氐 開慶元年七月辛亥太白入井八月庚子夜犯權火星九月戊辰犯熒惑 景定元年五月壬午熒惑犯斗 六月戊申月犯斗 八月壬子夜太白入房丙戌夜熒惑犯壁 二年十二月乙亥月犯五車 三年二月乙巳月入氐 五年三月丁卯夜月犯斗 七月甲午夜鎮星守畢

遼穆宗應曆十一年十一月歲星犯月

聖宗統和八年五月月掩天駟第一星 十二年六月太白歲星相犯

遼宗大安二年二月太白犯歲星

金

太宗天會十年閏四月丙申熒惑入氐

熙宗天會十四年正月壬辰熒惑入月十五年正月戊

辰歲星犯積尸氣天眷二年三月辛巳朔歲星留逆

在太微九月辛巳太白犯軒轅左星乙巳犯左執法

十一月戊寅太白入氐三年七月壬戌月犯畢十

二月壬午掩東井東轅南第一星皇統元年二月甲

戌月掩畢大星二年十一月己酉月犯軒轅大星甲

寅犯氐東北星三年正月己丑熒惑逆犯軒轅次北

一星二月己丑月犯畢大星閏四月癸巳月掩軒轅



左角星九月丁丑犯軒轅大星 四年八月癸未熒惑  
入輿鬼 五年四月甲辰熒惑犯左執法 六年九月  
戊寅熒惑犯西垣上將巳丑月犯軒轅第二星 七年  
正月庚辰熒惑犯房第二星 十一月壬戌歲星逆犯  
井東扇第二星 八年閏八月丙子熒惑入太微垣  
九年二月癸亥月掩軒轅第二星 七月丁未熒惑犯  
南斗第四星八月壬子又犯南斗第三星

海陵天德元年十二月甲子土犯東井東星 二年正月  
巳酉月犯昴壬辰犯木乙未犯角二月丙寅犯心大星  
九月丁酉犯軒轅左角十月乙丑犯太微上將十二月  
癸丑犯昴 三年十月丁亥月犯軒轅左角 四年二

月乙亥月掩鬼犯鎮星 六月癸巳太白犯井東第二  
星八月辛未犯軒轅大星 十二月甲辰熒惑犯鉤鈴  
丙午月犯井北第一星 貞元二年正月辛丑月犯  
井東第一星 二年正月庚申月掩昴二月辛丑犯心  
前星 八月戊戌熒惑入井凡十一日而出 三年八  
月乙酉月犯牛九月辛亥犯建星十一月戊午掩井鉞  
星 正隆三年二月己卯熒惑入鬼甲午月掩歲星六  
月丁酉犯氐十二月戊申入氐 四年九月壬寅月掩  
軒轅右角十一月壬辰入鬼犯大星

時海陵問司天馬貴中曰近日天道何如貴中曰前年  
八月二十九日太白入太微右掖門九月二日至端門

九日至左掖門出並歷左右執法太微爲天子南宮太白兵將之象其占兵入天子之庭海陵曰今將征伐而兵將出入太微正其事也賁中又言當端門而出其占爲受制歷左右執法爲受事此當有出使者或爲兵或爲賊海陵曰兵興之際小賊固不能無也是歲海陵南伐遇弒

世宗大定元年十月丙午熒惑入太微垣在太微東丁巳月犯井西扇北第二星二年閏三月戊寅月掩軒轅大星三月戊申掩太微東藩南第一星八月乙酉犯井西扇北第二星九月庚戌犯畢距星三年五月辛丑月入氐八月丁未犯井距星十月庚辰犯太微垣西

上將星 十一月庚寅歲星入氐壬子月入氐 四年  
二月壬午歲星退入氐凡二十九日 九月丙午月犯  
軒轅大星北次星十二月癸卯掩房北第一星 五年  
正月癸亥月掩軒轅大星北次星八月丁酉犯井東扇  
第一星 十一月癸丑熒惑入氐凡二十一日 六年  
二月丙申月犯南斗東南第二星三月己未入氐 十  
一月辛亥金入氐凡七日 十二月癸巳月犯房北第  
二星 七年十月乙巳火入氐凡四日 八年正月癸  
未月掩心大星三月庚午掩軒轅大星北一星 八月  
甲午太白犯軒轅大星 十月庚子月掩熒惑十一月  
庚午犯昴 九年正月戊寅月掩心後星四月庚子掩

心前星八月癸卯掩昴十二月丙戌犯士 十年正月  
丙寅月掩軒轅大星七月庚子犯五車東南星 八月  
戊申朔木星掩熒惑在參畢間 十一年二月壬戌熒  
惑犯井東扇北第一星 十二年五月辛巳月犯心後  
星八月癸卯犯心大星辛亥熒惑掩井東扇北第二星  
十月巳酉掩鬼西北星 十三年二月巳丑熒惑犯鬼  
西北星三月癸巳朔入鬼次日犯積尸氣 六月辛未  
月犯心前星 十四年八月庚辰熒惑犯積尸氣 十  
二月乙丑月掩井西扇北第一星 十六年五月庚午  
月掩太白七月丁未犯角宿距星甲子掩畢宿距星  
八月丙子太白犯軒轅大星 十月丁丑熒惑入太微

十一月甲寅月掩畢距星戊辰熒惑犯太微上將

十二月己丑月掩太微左執法 十七年正月丙寅熒

惑犯太微西藩上相 十八年七月庚辰土星犯井東

扇北第二星 九月己丑熒惑犯左執法 十二月甲

午鎮星掩井西扇北第一星凡十日 十九年三月甲

戌熒惑犯氐距星 八月癸卯太白犯軒轅御女辛亥

熒惑犯南斗杓第二星 九月壬申月掩畢大星 十

一月辛未熒惑掩歲星十二月丁亥月犯歲星 二十

年二月己丑月掩畢大星三月丙辰掩畢西第二星

二十一年二月戊子月犯鎮星 四月壬申熒惑掩斗

魁第二星十有四日 七月乙亥朔熒惑順入斗魁中

凡五日 二十二年十一月辛未熒惑行氐中乙亥太白入氐 十二月戊戌熒惑犯鉤鈴 二十四年四月甲申月掩太白 九月庚子歲星犯軒轅大星 二十五年三月乙酉太白與月相犯 九月丁亥月在斗魁中犯西第五星十二月己未犯熒惑 二十六年三月丙戌熒惑入井鎮星犯太微東藩上相四月丁丑熒惑犯鬼西南星 七月丙申月掩心前星十二月乙未掩心前大星又犯于後星 二十七年五月壬子月犯心大星 六月癸巳月掩昴七月丙午犯房南第一星 十二月丁丑月掩昴 二十八年正月己未歲星留于房申子守房北第一星 十一月丙申鎮星入氐 十

二月壬申月掩昴 二十九年正月丁酉土星留氐中  
三十有七日逆行後七十有九日出氐 六月丙辰月  
犯太白月北星南同在柳宿 十一月己未熒惑守軒  
轅至戊辰退行其色稍怒

章宗明昌二年十二月戊子木星金星相犯有光芒 三年  
三月戊戌熒惑順行犯太微西藩上將 四月己未熒  
惑掩右執法色怒而稍赤 四年八月己亥歲星留胃  
十三度守天廩 承安五年六月庚戌月掩太白 泰  
和六年八月辛亥歲星晨見至夜五更與東井距星相  
去七寸內癸丑熒惑與輿鬼積尸氣相犯七寸內庚申  
在輿鬼積尸氣中 十月丙午歲星犯東井距星 十



一月壬午太白入氐 七年三月癸丑月掩軒轅大星  
九月己卯初更月在南斗魁中旦歲星在輿鬼中

衛紹王太安元年十月丙寅歲星犯左執法 三年正月

乙酉熒惑入氐中凡十有一日乃出二月犯房閏月犯  
鍵閉星十月癸巳犯壘壁陣

宣宗貞祐元年十一月丙子熒惑入壘壁陣 二年十一

月庚辰鎮星犯太微東垣上相辛巳熒惑犯房鉤鈴

三年七月己卯月入畢至戊 夜犯畢大星 四年閏

七月辛丑月犯畢十一月己丑犯畢大星十二月戊午

復如之 興定元年正月乙酉月犯畢左股第二星九

月癸巳犯東井西扇第二星 二年十月庚申月犯軒

轅左角之少民星 三年八月丁卯歲星犯與鬼東南  
星 四年正月庚子月犯東井 三月甲寅歲星犯鬼  
積尸氣 六月戊辰月犯鎮星 十一月壬辰歲星犯  
靈臺北第一星 五年九月庚戌歲星犯左執法 閏  
十二月戊子熒惑犯軒轅甲午月犯熒惑 六年正月  
辛酉月犯熒惑壬戌犯軒轅 四月丙寅歲星犯太微  
左執法 元光二年八月乙亥熒惑入與鬼掩積尸氣  
十月壬午犯靈臺十一月又犯心大星

哀宗正大元年正月丙午月犯昴三月癸丑犯熒惑是月  
熒惑逆行犯左執法四月癸酉犯右執法 三年十一  
月丙辰月掩熒惑庚申熒惑犯壘壁陣 十二月熒惑

入月 四年六月丙辰太白入井 七月丁亥熒惑犯斗從西第二星 五年五月乙酉月掩心大星

章宗明昌二年十一月乙丑危宿在羽林軍上壘壁陣下光芒明大

元

太宗癸卯年夏五月熒惑犯房星

世祖中統元年五月乙未熒惑入南斗留五十餘日 二

年二月丁酉太陰掩昴六月 戌犯角 八月丙午太

白犯歲星 十一月庚午太陰犯昴 十二月辛卯熒

惑犯房壬寅熒惑犯鉤鈴 至元元年二月丁卯太陰

犯南斗四月辛亥犯軒轅御女星五月丙戌犯房巳亥

犯昴十二月甲子犯房 二年六月丙子太陰犯心宿  
大星 四年八月庚申鎮星犯天鐔距星壬午太白犯  
軒轅大星 甲子歲星犯軒轅大星 十一月乙巳鎮  
星犯天鐔距星 五年正月甲午太陰犯井二月戊子  
犯天關己丑犯井 六年十月庚子太陰犯辰星 七  
年正月己酉太陰犯畢九月丁巳犯井 十月庚午太  
白犯右執法 十一月壬寅熒惑犯太微西垣上將  
八年正月辛未太陰犯畢 三月丁亥熒惑犯太微西  
垣上將 九月丙子太陰犯畢 九年五月乙酉太白  
犯畢距星 九月戊寅太陰犯御女 十月戊戌熒惑  
犯鎮星 十一月丁卯太陰犯畢 十一年二月甲寅

太陰犯井宿 十月壬戌歲星犯壘壁陣 十二年七月癸酉太白犯井辛卯太陰犯畢 九月己巳太白犯少民己卯犯太微西垣上將 十月癸丑太陰犯畢十一月丙戌犯軒轅大星 十二月戊戌鎮星犯亢戊申太陰犯畢 十三年九月辛亥太白犯南斗甲寅入南斗 十二月乙卯太陰犯鎮星辛酉熒惑掩鉤鈴 十五年二月丁丑熒惑犯天街 三月丁亥太陰犯太白戊子犯熒惑 十六年四月癸卯鎮星犯鍵閉 七月丙寅如之 八月庚寅太陰犯房宿星庚子歲星犯軒轅大星 十月丙申太陰犯太微西垣上將十一月癸丑犯熒惑 十七年四月庚子歲星犯軒轅大星是

月又犯南斗 七月戊申太陰犯掩房宿距星巳酉犯  
南斗八月丙子犯心宿東星甲子犯右執法并犯歲星  
十八年五月歲星犯右執法 七月癸卯太陰犯房  
距星 閏八月癸巳朔熒惑犯司惟南第二星庚戌太  
陰犯昴九月甲申犯軒轅大星十一月甲申犯五車次  
南星丁丑犯鬼丁亥掩心十二月丙午犯軒轅大星  
二十年正月巳巳太陰犯軒轅御女庚辰入南斗犯距  
星二月庚寅掩昴庚子太白犯昴壬寅如之 乙巳太  
陰犯心 三月巳未歲星犯鍵閉庚申太陰犯井壬戌  
犯鬼乙巳歲星犯房癸酉歲星掩房 四月巳亥太陰  
犯房壬寅犯南斗五月丙寅掩心秋七月復掩昴丙辰

太白犯井癸亥太陰犯南斗乙丑太白犯井庚午熒惑犯司恆 八月丙午太白犯軒轅丁未歲星犯鉤鈴

九月壬子太白犯軒轅少女戊午太陰犯斗巳巳太白犯右執法壬申太陰掩井癸酉熒惑犯鬼甲戌太陰犯鬼熒惑犯積尸氣太白犯左執法 十月丙申太陰犯

昂 十一月戊寅太白歲星相犯 十二月甲辰太陰

掩熒惑 二十一年閏五月戊寅朔鎮星犯斗 七月

甲申太白犯熒惑九月癸巳犯南斗第四星乙未太陰犯井十月巳酉犯軫十一月丙戌犯昂巳丑掩輿鬼庚子犯心 二十二年二月辛亥太白犯東井癸丑犯鬼壬戌犯心癸亥犯入東井 十二月巳亥歲星犯鎮星

二十三年正月太陰犯昴壬午犯軒轅太民乙酉犯  
氐二月丙午犯井 三月癸巳歲星犯壘壁陣巳巳太  
陰犯婁 五月巳巳熒惑犯太微西垣土將庚辰歲星  
犯壘壁陣乙酉熒惑犯太微右執法 六月丙申朔太  
白犯御女八月乙卯太白犯軒轅右角星 九月甲申  
太陰犯天關 十月壬寅太白犯左執法甲午朔太白  
犯右執法戊戌太陰犯建星辛亥犯東井甲寅太白犯  
進賢 十一月戊辰太白犯亢巳卯太陰犯東井辛巳  
歲星犯壘壁陣 十二月戊戌太白犯東咸丁未太陰  
犯井丁巳犯氐 二十四年正月甲戌太陰犯東井乙  
酉犯房二月庚子犯天關辛丑犯東井閏二月癸亥犯



辰星甲申犯牽牛三月丙申犯東井四月癸酉犯氐甲戌犯房乙亥犯氐七月戊戌犯南斗辛丑犯牽牛壬寅癸亥犯與鬼積尸氣甲辰犯與鬼壬子太陰犯司怪

八月癸亥太白犯亢丙子鎮星南犯壘壁陣巳卯太陰犯天關辛巳犯東井甲申太白犯房九月丁酉熒惑犯長垣庚子太白犯天江乙巳太陰犯畢辛亥熒惑犯太微西垣上將壬子太白犯南斗十月壬戌太陰犯牽牛大星乙酉熒惑犯左執法十一月壬辰太白犯壘壁陣太陰暈太白鎮星丙申熒惑犯太微東垣上將丙辰熒惑犯進賢十二月丙寅太陰犯畢二十五年正月乙巳太陰犯角戊申犯房三月丁亥熒惑犯太

微東垣上相戊子太陰犯畢己亥掩角四月戊午犯井  
五月戊申太白犯畢六月甲戌犯井丁丑太陰犯歲  
星 七月己亥熒惑犯氐庚子太白犯鬼乙巳太陰掩  
畢 八月丙辰熒惑犯房己未太白犯軒轅大星 九  
月癸未朔熒惑犯天江庚子太陰犯畢癸卯熒惑犯南  
斗 十二月辛酉太陰犯畢甲子犯井甲戌犯亢熒惑  
犯壘壁陣 二十六年正月辛丑太陰犯氐三月甲午  
犯亢 五月壬辰太白犯鬼 七月辛卯太陰犯牛乙  
未犯歲星 九月戊寅歲星犯井乙未太陰犯畢辛丑  
熒惑犯太微西垣上將 十月癸丑太陰犯斗宿距星  
甲寅熒惑犯右執法 閏十月丁亥辰星犯房己丑太

陰犯畢熒惑犯進賢太陰犯井 十一月丁巳熒惑犯亢戊辰太陰犯亢 二十七年正月庚戌太白犯斗癸丑太陰犯井丁卯熒惑犯房壬申犯鍵閉 二月戊寅太陰犯畢庚寅犯亢 三月壬子熒惑犯鈞鈴 四月丙子太陰犯井壬辰熒惑守氐十餘日 五月乙丑太陰犯鎮星 六月己丑熒惑犯房七月辛酉犯天江九月癸卯歲星犯鬼 十月辛巳太白犯斗 十一月戊申太陰掩鎮星辛酉掩左執法十二月辛卯犯亢二十八年二月癸未太陰犯左執法甲申太白犯昴三月丁未太陰犯御女己酉犯右執法庚戌犯太微東垣上相乙卯太白犯五車 四月乙未歲星犯填鬼積

尸氣 五月壬寅太陰犯少民甲寅犯牛六月辛卯犯  
畢 七月己亥太白犯井八月丙寅犯輿鬼丙子太陰  
犯牽牛癸未歲星犯軒轅大星戊子太白犯軒轅大星  
并犯歲星癸巳太陰犯熒惑 九月丙辰熒惑犯左執  
法戊午太白犯熒惑辛酉歲星犯少民 十月丙戌太  
陰犯軒轅大星并御女己丑太陰犯太微東垣上相十  
一月甲辰犯房丙午熒惑犯亢丁未太陰犯畢庚申熒  
惑犯氐 十二月庚辰太陰犯御女癸未犯東垣上相  
己丑熒惑犯房庚寅犯鉤鈴 二十九年正月戊申太  
陰犯歲星及軒轅左角二月己巳犯畢四月丙子犯氐  
六月己丑太白犯歲星 閏六月戊申熒惑犯狗國

七月辛未太陰犯牛 八月丁酉辰星犯右執法巳  
亥太白犯房乙巳歲星犯右執法 九月壬戌熒惑犯  
壘壁陣辛巳太白犯南斗 十月乙巳太陰犯井丁未  
犯乙卯犯氐十一月壬戌犯壘壁陣巳卯太陰犯太  
微東垣上將 十二月庚子太陰犯井甲辰犯太微西  
垣上將 三十年正月丙寅太陰犯畢丁丑犯氐庚辰  
歲星犯左執法 二月壬辰太陰犯畢乙巳熒惑犯天  
街庚戌太陰犯牛癸丑犯壘壁陣 三月辛未太陰犯  
氐 四月癸丑太白犯鎮星 六月巳丑歲星犯左執  
法丙申太陰犯斗 七月甲子太陰犯建星辛丑犯鬼  
八月甲午辰星犯太微西垣上將甲辰太陰犯畢戊

申犯鬼 九月丁卯太陰犯畢 十月丙申熒惑犯亢  
巳亥太陰犯天關辛丑犯井 十一月乙丑太陰犯畢  
丁卯犯井庚子犯鬼丙子熒惑犯鉤鈴戊寅歲星犯亢  
十二月乙未太陰犯井 三十一年四月戊申太白  
犯鬼 五月庚戌朔太白犯輿鬼 六月丙午太陰犯  
井 八月戊戌太陰犯畢太白犯軒轅 九月丙寅太  
陰掩鎮星辛未犯軒轅乙亥太白犯右執法太陰犯平  
道 十月壬午太白犯左執法癸巳太陰掩鎮星乙未  
犯井 十一月巳酉太陰犯亢庚申犯畢癸酉太白犯  
房 十二月癸未歲星犯房丁亥犯鉤鈴壬辰太陰犯  
鬼庚子犯房又犯歲星

咸亨元年正月乙卯太陰犯鎮星又犯畢癸酉歲星  
犯東咸 二月癸未熒惑犯太陰壬辰太陰犯平道癸  
卯犯歲星 三月庚戌太陰犯鎮星壬戌犯房四月庚  
寅犯東咸 閏四月癸丑歲星犯房甲寅太陰犯平道  
乙卯犯亢丁巳掩房 五月丁亥太陰犯南斗七月丁  
丑犯亢甲申歲星犯房 八月乙酉太陰犯牛壬子犯  
壘壁陣九月甲午犯軒轅戊戌犯平道 十月辛酉辰  
星犯房壬戌犯鍵閉戊辰太陰犯房 十一月甲戌太  
白犯壘壁陣乙酉太陰犯井丁亥犯鬼十二月丙辰犯  
軒轅甲子犯天江 二年正月壬午太陰犯輿鬼丁亥  
犯平道庚寅犯鉤鈴二月丁未犯井五月乙酉犯鉤鈴

五月丁丑犯平道 六月乙巳太白犯天

星癸亥太陰犯井 七月壬 鎮星犯井太白犯

八月庚子太陰犯亢太白 軒轅癸卯太陰犯天

乙卯犯天街太白犯上將 月戊辰太白犯左執法

壬申太陰掩南斗丁丑犯壘陣巳丑犯軒轅十一月

丁丑犯月星又犯天街庚辰犯井丁亥犯上相戊子犯

平道壬辰犯天江十二月丁未犯井乙卯犯進賢 大

德元年三月戊辰焚惑犯井癸酉太陰掩軒轅大星

五月癸酉太白犯鬼積尸氣之亥太陰犯房七月庚午

如之 九月辛酉朔扶星犯奎 十二月甲辰太白犯

東咸丙午太陰犯軒轅甲寅犯心 閏十二月癸酉太



白犯建星丙子如之 二年二月辛酉熒惑犯歲星辛  
未太陰化左執法丙子犯心五月戊戌犯心六月壬戌  
犯角七月癸巳犯心八月壬戌犯箕九月辛丑犯五車  
南星癸卯犯五諸侯巳酉犯左執法 十月壬戌太白  
犯牽牛戊寅太陰犯角宿距星十一月巳亥犯輿鬼辛  
丑辰星犯牽牛壬寅太陰犯右執法 十二月巳未鎮  
星犯輿鬼乙丑太白犯歲星太陰犯熒惑庚午鎮星入  
輿鬼太陰犯上將巳卯犯南斗 三年正月丙戌太陰  
犯太白丁酉犯西垣上將戊戌犯右執法 三月乙巳  
熒惑犯五諸侯戊戌犯輿鬼 四月巳未太陰犯上將  
丙寅鎮星犯輿鬼太白犯心五月丙申犯南斗巳亥太

白犯畢 六月庚申太陰掩房丁卯熒惑犯右執法  
七月己卯朔太白犯井丁未太陰犯輿鬼八月丁巳犯  
箕戌辰太白犯軒轅大星己巳太陰犯五車星九月乙  
未犯昴宿距星丁酉太白犯左執法 十月丙子太陰  
犯房 十一月乙酉太白犯房 四年二月戊午太陰  
犯軒轅五月甲午犯壘壁陣辛丑太白犯輿鬼大陰犯  
昴 六月丁巳太白犯鎮星 七月辛卯熒惑犯井  
八月癸丑太陰犯井甲子辰星犯壘臺上星 閏八月  
庚辰熒惑犯輿鬼 九月戊午太白犯斗壬戌太陰犯  
輿鬼甲子太白犯斗 十二月庚寅熒惑犯軒轅癸巳  
太陰犯房宿距星 五年正月己酉太陰犯五車壬子

犯與鬼積尸氣辛酉犯心二月巳卯犯與鬼三月戊申  
犯女丁卯熒惑犯鎮星 四月壬申太陰犯東井  
癸丑犯南斗乙卯熒惑犯右執法丁卯太白犯井 大  
月甲申歲星犯司恆巳酉太白犯與鬼歲星犯井甲午  
太白犯與鬼 七月丙午歲星犯井辛亥太陰犯壘壁  
陣庚申辰星犯太白 八月壬辰太陰犯軒轅御女乙  
未鎮星犯大微上將 十月癸未太陰犯東井 十一  
月巳亥歲星犯東井戊申太陰犯昴 十二月甲戌歲  
星犯司恆辛卯太陰犯南斗 六年正月壬戌鎮星犯  
太微西垣上將 二月庚午太陰犯胃卯三月壬寅犯與  
鬼癸卯歲星犯井壬寅太陰犯鉤鈴 四月乙丑朔太

白犯東井戊寅太陰犯心庚寅太白犯輿鬼六月  
亥朔鎮星犯太微西垣上將乙亥太陰犯斗七月庚  
子太陰犯心戊午犯熒惑八月乙丑熒惑犯歲星巳  
巳犯輿鬼辛巳太陰犯昴壬午太白犯軒轅九月丙  
午熒惑犯軒轅癸丑太陰犯輿鬼丁巳太白犯右執法  
十月壬午熒惑犯太微西垣上將十一月辛亥鎮  
星犯左執法乙未辰星犯房癸卯太陰犯昴己酉犯軒  
轅十二月庚申朔熒惑犯鎮星乙丑歲星犯輿鬼乙  
亥太陰犯輿鬼庚辰熒惑犯太微東垣上相癸未太陰  
犯房七年正月戊戌太陰犯昴甲辰犯軒轅二月戊  
寅犯心四月癸亥犯東井丙寅犯軒轅乙亥歲星犯輿

鬼太陰犯南斗申申熒惑犯太微垣右執法丁亥歲星  
犯輿鬼 五月壬辰辰星犯東井 閏五月戊辰太陰  
犯心 七月戊寅歲星犯軒轅巳卯太陰犯井乙酉熒  
惑犯房 八月癸巳太白犯氏甲午熒惑犯東咸太陰  
犯牽牛乙巳歲星犯軒轅辛亥熒惑犯天江 九月辛  
未熒惑犯南斗甲戌太陰犯東井乙亥太白犯南斗壬  
午辰星犯氏 十月辛丑太陰犯東井 十一月丙寅  
鎮星犯進賢戊辰太陰犯東井巳卯犯東咸 十二月  
丙戌熒惑犯壘壁陣丙申太陰犯東井辛丑犯明堂丁  
未犯天江 九年正月丁巳太陰犯天關甲子犯明堂  
巳巳犯東咸 三月甲寅熒惑犯氏戊午歲星犯左執

法 四月庚辰太陰犯建星 五月庚辰太白犯建星 六月庚辰太陰犯建星 七月丙午癸亥犯建星 八月辛巳太陰犯東咸乙未熒惑犯天江 九月丁巳熒惑犯斗 十一月癸丑歲星犯亢 十二月丙子太陰犯西咸庚寅熒惑犯壘壁陣巳亥辰星犯建星 十年正月丁巳太白犯建星 閏正月癸酉太白犯牽牛巳丑犯壘壁陣 二月戊午太陰犯氐 三月戊寅歲星犯亢 四月辛酉鎮星犯亢 六月癸丑太陰犯羅堰 上星巳未 歲星犯亢 七月庚辰太陰犯牽牛 八月壬寅歲星犯氐 熒惑犯太微垣上將九月己巳犯太微垣左執法壬午犯太微垣左執法 十月甲辰太白犯

手辛亥太陰犯畢甲寅犯井 十一月辛未歲星犯房  
壬申太陰犯虛甲戌熒惑犯亢戊子犯氐辛卯太陰犯  
熒惑 十二月乙巳歲星犯東咸戊午太陰犯氐 十  
一年六月丙午太陰犯南斗杓星巳巳犯亢 七月壬  
午熒惑犯南斗 九月癸酉太白犯右執法巳卯犯左  
執法十月乙巳犯亢巳酉熒惑犯壘壁陣甲寅太陰犯  
明堂巳未犯太白 十一月丁卯太白犯房丙子太陰  
犯東井乙酉犯亢辛卯辰星犯歲星 十二月丁巳鎮  
星犯鎖閉

武宗至大元年正月辛未太陰犯井甲申犯鎮星二月丁  
未犯亢甲寅犯牛距星三月乙丑犯井 五月癸未太

白犯輿鬼壬申犯左執法 八月壬子太陰犯軒轅太  
民 九月壬申鎮星犯房丙子太陰犯井癸未犯熒惑  
十月辛丑太白犯南斗 十一月癸亥熒惑犯亢巳  
巳太陰掩畢甲戌熒惑犯氏乙亥辰星犯鎮星 閏十  
一月壬寅熒惑犯房丁未太陰犯亢 十二月甲子太  
陰犯畢丙子犯氏戊寅太白掩建星 二年二月巳巳  
太陰犯亢辛未犯氏庚辰犯太白三月戊戌犯氏巳亥  
熒惑犯歲星丙午犯蠱壁陣 五月辛卯太陰犯亢  
六月乙卯太白犯井癸酉辰星犯輿鬼乙亥太陰掩畢  
八月乙亥犯軒轅丁丑犯右執法九月丙午犯進賢十  
月壬申犯左執法十一月巳亥犯右執法庚子犯上相



辛丑熒惑犯外屏 十二月庚申太陰犯參癸亥辰星  
犯歲星辛未太白犯壘壁陣 三年正月壬辰太陰犯  
軒轅御女甲午犯右執法丙申犯平道 二月辛亥熒  
惑犯月星庚申犯天街太陰犯軒轅少民壬戌犯左執  
法甲戌太白犯月星 三月甲申太陰犯井庚寅犯氐  
丙申犯南斗丁未太白犯井甲寅太陰犯軒轅御女  
五月乙酉太陰犯平道癸巳熒惑犯輿鬼 六月乙卯  
太陰犯氐七月戊寅犯右執法己卯犯上相 八月甲  
子太白犯軒轅太民乙丑太陰掩畢大星辛巳犯建星  
辛巳犯天廩 十月丙午太白犯左執法癸丑熒惑犯  
亢 十一月甲戌朔太白犯亢丁亥太陰犯畢十二月

甲辰朔犯羅堰庚申犯軒轅大星辛酉太白犯鎮星丙寅犯氐 四年二月甲子太陰犯鎮星三月丙戌犯太微上將四月甲寅犯亢熒惑犯壘陣癸未太陰犯氐五月乙未犯太微東垣上相庚戌犯氐七月癸巳掩畢丁酉犯鬼宿距星閏七月丙寅犯軒轅九月乙卯犯畢十月丙申犯壘壁陣十一月甲寅犯輿鬼十二月甲申犯太微西垣上將

仁宗皇慶元年正月癸丑太陰犯太微東垣上相二月壬午犯亢 三月丁酉朔熒惑犯東井壬寅太陰犯東井 四月壬午熒惑犯輿鬼癸未犯積尸氣 六月己巳太陰犯天關七月戊午犯東井 八月戊辰太白犯軒

轅辛未太陰犯鎮星壬午辰星犯右執法乙酉太白犯  
右執法丁亥辰星犯左執法九月丁巳太白犯亢

十月丁亥太陰犯平道戊子犯亢十一月己亥掩壘壁  
陣十二月戊子犯熒惑二年正月戊申太陰犯三公

二月庚子熒惑犯壘壁陣七月己丑朔歲星犯東

井三歲如之壬午太陰犯輿鬼延祐元年二月癸酉

熒惑犯東井三月壬辰太陰掩熒惑閏三月辛酉犯

輿鬼丙寅犯太微東垣五月戊午辰星犯輿鬼六

月乙未熒惑犯右執法十月庚戌辰星犯東咸十

二月甲午太陰犯輿鬼癸卯犯房甲辰犯天江二年

正月乙卯歲星犯輿鬼癸亥太陰犯軒轅丁卯犯進賢

四月庚子犯壘壁障五月辛酉犯天江六月甲申亥犯  
平道癸卯太白犯東井丙午辰星犯輿鬼九月巳酉  
太陰犯房辛酉太白犯左執法三年十月甲申太白  
犯斗四年三月乙酉太陰犯箕六月乙巳犯心八  
月丙申熒惑犯輿鬼壬子太陰犯昴九月庚午犯斗  
六年正月戊寅太陰犯心二月巳亥犯靈臺三月巳巳  
犯明堂癸酉犯日星丙戌犯心五月辛酉犯靈臺丁卯  
犯房丙子犯壘壁障六月巳亥歲星犯東咸七月  
壬戌太陰犯心丙子太白犯太微垣右執法八月乙  
酉熒惑犯輿鬼閏八月壬辰辰星犯太微垣右執法  
丁巳太陰犯心癸亥熒惑犯軒轅甲子太陰犯壘壁障

乙亥太白犯東咸 十月癸亥熒惑犯太微垣左執法  
乙丑太陰犯昴戊辰太陰犯東井辛未犯軒轅辛卯熒  
惑犯進賢庚子太陰犯明堂十二月丙寅犯軒轅 七  
年正月乙未太陰犯明堂上星癸卯犯斗宿東星二月  
辛酉犯軒轅御女壬戌犯靈臺丁卯犯日星庚午犯斗  
宿距星三月戊子犯酒旗上星熒惑犯進賢庚寅太陰  
犯明堂上星 四月甲寅太白犯鎮星壬戌太陰犯房  
宿距星五月庚寅犯心宿東星癸巳犯狗宿東星丙申  
太白犯畢宿距星 六月庚申太陰犯斗宿東星癸亥  
犯壘壁障西二星丁卯太白犯井宿東扇第三星辛未  
太陰犯昴宿 七月丁亥太陰犯斗宿東二星戊戌熒

惑犯房宿上星巳亥太陰犯昴宿距星 八月丙辰太白犯靈臺上星乙丑熒惑犯天江丁卯太白犯太微垣右執法壬申太陰犯軒轅御女 九月乙酉太陰犯壘壁陣西二星丙戌熒惑犯斗宿癸巳太陰犯昴宿東星巳亥太白犯亢星 十月庚戌太陰犯熒惑于斗癸亥犯井宿 十一月癸卯熒惑犯壘壁陣乙卯太陰掩昴宿戊午犯井宿東星庚申犯星宿

續文獻通考卷之二百十八

皇明進士雲間王圻纂輯

象緯考 太陰五星陵犯下

英宗至治元年正月乙未太陰掩房宿距星甲辰辰星犯  
外屏西第一星 二月辛酉太白犯熒惑癸亥太陰犯  
心宿大星又犯心宿東星三月丁丑掩昴宿四月戊午  
犯心宿大星庚申犯斗宿東第三星 五月戊寅太白  
犯鬼宿積尸氣太陰犯軒轅右角庚辰犯明堂中星六  
月己未犯虛梁東第二星七月癸巳犯昴宿八月丁未  
犯心宿前星己酉犯斗宿西第二星壬子熒惑犯軒轅  
大星九月乙亥犯靈臺東北星壬午犯太微西垣上將

丁酉犯太微垣右執法十月戊申犯太微垣左執法十一月辛未犯進賢丙子太陰犯虛梁東第一星戊寅展星犯房宿上星丙戌太陰犯井宿東扇北第二星己丑犯酒旗西星又犯軒轅右角辛酉犯明堂中星己亥太白犯西咸南第一星十二月甲辰熒惑犯亢宿南第一星庚戌太陰犯昴宿東第一星辛酉熒惑入氐宿二年正月丁丑太陰犯昴宿距星庚辰太白犯建星西第二星辛巳犯建星西第三星辛卯太陰犯心宿大星甲午熒惑犯房宿上星丁酉太白犯牛宿南第一星二月己亥朔熒惑犯鍵閉星丙午犯罰星南一星戊申太陰犯井宿東扇北第二星庚戌熒惑犯東咸北第二



星辛亥太陰犯酒旗西第一星及軒轅右角星壬子太  
白犯壘壁陣西第二星癸丑太陰犯明堂中星己未太  
陰犯天江南第一星壬戌太白犯壘壁陣第六星五  
月丙午熒惑退犯東咸南第一星六月壬申犯心宿距  
星七月己亥犯天江南第一星戊午太陰犯井宿越星  
九月己未犯明堂中星十月庚辰犯井宿距星辛巳犯  
井宿東扇北第二星及第三星己丑熒惑犯壘壁陣西  
第六星十一月甲辰太白犯壘壁陣第一星乙巳熒  
惑犯壘壁陣西第八星戊申太陰犯井宿東扇北第二  
星己未犯東咸南第一星庚申犯天江上第二星辛酉  
熒惑犯歲星十二月乙丑太白犯壘壁陣西第八星

乙亥太陰掩井宿距星戊寅太白犯歲星己丑熒惑犯  
外屏西第三星太陰犯建星西第一星 三年正月壬  
寅太陰犯越星又犯井宿距星癸卯犯井宿東扇南第  
二星 二月癸酉太白犯昂宿辛巳太陰犯東咸南第  
一第二星五月癸卯犯房宿第二星庚戌太白犯畢宿  
右股第三星 六月癸未鎮星犯畢宿距星九月辛卯  
又退犯畢 十月己巳太白犯亢丙子犯氐 十二月  
己丑朔熒惑犯亢庚寅太白犯鉤鈐乙未犯東咸壬寅  
熒惑犯氐 十二月己巳辰星犯墨壁陣辛未熒惑犯  
房辛巳犯東咸

恭定帝恭定元年五月丙午太白犯鬼宿丁未又犯鬼宿

積尸氣十月丙寅犯斗宿距星巳巳入斗宿魁太陰犯  
鎮星庚午太白犯斗壬午熒惑犯壘壁陣十二月庚午  
犯外屏 二年正月丙戌辰星犯天鵝壬寅太白犯建  
星 六月丙戌鎮星犯井宿鉞星丙午犯井宿 八月  
癸巳歲星犯天鐸 十月壬辰熒惑犯氐宿癸巳鎮星  
退犯井宿十一月戊午又退犯井宿鉞星 十二月乙  
酉熒惑犯天江辰星犯建星甲午太白犯壘壁陣 三  
年正月辛酉太白犯外屏 三月丙午鎮星犯井宿鉞  
星戊辰熒惑犯壘壁陣鎮星犯井宿 四月戊戌太白  
犯鬼宿壬寅熒惑犯壘壁陣 九月壬戌太白犯太微  
垣右執法十月辛巳犯進賢 四年正月巳酉太白犯

牛宿三月丁卯熒惑犯井宿 九月壬子太白犯房宿

十月戊午辰星犯東咸 十一月癸酉太白犯壘壁

陣熒惑犯天江 十二月己未歲星退犯太微西垣上

將 致和元年七月丙戌太白犯軒轅大星

文宗天曆元年九月庚辰太白犯亢宿 二年正月甲子

太白犯壘壁陣 二月己酉熒惑犯井宿 五月庚申

太白犯鬼宿積尸氣 十一月癸酉太陰犯鎮星 至

順元年七月庚午歲星犯氐宿 八月戊辰太白犯氐

宿 九月己丑熒惑犯鬼宿甲午如之 十一月甲申

又犯鬼宿丙戌太白犯壘壁陣 二年二月壬子太白

犯昴 三月丙子朔熒惑犯鬼宿己卯犯鬼宿積尸氣

五月丁丑犯軒轅左角甲午太白犯畢宿庚子太陰犯  
太白六月丁卯犯畢太白犯井 八月乙卯太白犯軒  
轅大星庚申犯軒轅左角九月丙子犯鎮星十一月壬  
申朔犯鉤鈴 三年五月癸酉熒惑犯東井 十月己  
酉太白犯斗

順帝元統元年二月己亥鎮星退犯太微東垣上相丙辰  
太陰犯天江下星三月戊寅犯太微東垣上相 五月  
丁酉熒惑犯太微垣右執法 六月丁丑太陰犯壘壁  
陣西第二星七月己亥犯房宿北第二星九月甲午犯  
東咸西第一星鎮星犯進賢乙未太陰犯天江下星丁  
巳犯鎮星己未犯氐宿距星十月甲子入犯斗宿魁東

北星十一月甲午犯壘壁陣西方第二星辛亥犯太微  
東垣上相壬子犯鎮星癸丑犯亢宿南第一星癸酉犯  
鬼宿東北星乙亥太白犯壘壁陣西第八星太陰犯軒  
轅夫人星巳卯犯進賢癸未犯東咸西第二星 二年  
正月壬寅太陰犯軒轅夫人星庚戌犯房宿北第二星  
二月癸酉犯太微東垣上相三月辛丑犯進賢又犯鎮  
星 四月壬午太白犯鬼宿積尸氣 七月壬子熒惑  
入犯鬼宿積尸氣 八月巳卯太白犯軒轅御女星  
九月壬辰太陰入南斗魁癸巳犯狗國東星太白犯靈  
臺中星乙巳太白犯太微垣右執法壬子犯太微垣左  
執法 十月癸亥熒惑犯太微西垣上將太白犯進賢

乙亥太陰犯軒轅夫人星太白犯填星 十一月乙未  
填星犯亢宿距星庚戌熒惑犯太微東垣上相 至元  
元年二月甲戌熒惑逆行入太微垣 四月壬戌太陰  
犯太微垣左執法五月癸卯犯壘壁陣東方第四星  
六月壬戌犯心宿大星七月乙未犯壘壁陣西方第二  
星 八月辛亥熒惑犯氐宿東南星 九月丁亥太陰  
入魁犯斗宿東南星庚寅犯壘壁陣西方第二星十月  
甲寅熒惑犯斗宿西第二星庚申太陰犯壘壁陣東方  
第二星甲子犯昴宿西第二星丁卯太白犯斗宿魁第  
三星 十一月己丑辰星犯房宿上星及鉤鈐星丙申  
太陰犯鬼宿東北星己亥犯太微西垣上將庚子犯太

微垣左執法十二月壬子犯壘壁陣西方第二星辛酉  
太白犯壘壁陣東方第六星乙丑太陰犯軒轅夫人星  
又犯太微右執法 閏十二月乙酉熒惑犯壘壁陣西  
第八星庚子太陰犯心宿大星壬寅犯箕宿距星癸卯  
犯斗宿魁東南星 二年正月壬戌太陰犯太微垣右  
執法甲子犯角宿距星丁卯犯房宿距星二月辛巳犯  
昂宿距星巳丑犯太微西垣右執法三月壬戌犯心宿  
距星甲子犯箕宿距星乙丑犯斗宿東南星四月丙戌  
犯角宿距星五月庚戌犯靈臺西第一星 六月戊子  
太白犯井宿東扇北第二星七月巳酉犯鬼宿東南星  
乙卯犯熒惑 八月巳卯太陰犯心宿東第一星辛巳



犯箕宿東北星 九月庚戌熒惑犯太微垣上將

十月丙子熒惑犯太微垣左執法丁亥太陰犯昂宿巳

亥熒惑犯進賢 十一月巳酉太陰犯壘壁陣西第八

星巳未犯鬼宿積尸氣丁卯犯房宿距星 三年正月

太陰犯昴三月辛亥犯靈臺上星四月辛卯犯壘壁陣

西方第五星 五月壬寅太白犯鬼宿東北星乙巳太

陰犯軒轅左角壬子犯心宿後星巳未犯壘壁陣西方

第六星 六月乙亥太白犯靈臺上星巳卯犯太微西

垣上將壬午太陰犯斗宿魁尖星丁亥太白犯太微垣

右執法甲戌太陰犯心宿後星 九月巳亥熒惑犯斗

宿西第二星甲辰太陰犯斗宿魁第二星丁未犯壘壁

陣西第一星巳酉犯壘壁陣西第八星辛酉犯軒轅大  
星十月丙子太陰犯壘壁陣西方第七星壬子犯昴  
宿上行星丁亥犯鬼宿積尸氣十一月戊戌太白犯  
亢宿距星壬寅太陰犯熒惑癸卯犯壘壁陣西第六星  
丁未填星犯鍵閉辛亥太陰犯五車東南星甲寅犯鬼  
宿西北星丙辰犯軒轅左角丁巳犯太微垣三公東南  
星十二月巳巳歲星退犯天鐔東北星填星犯罰星  
南第一星甲戌熒惑犯壘壁陣東第五星太白犯東咸  
上星四年正月癸卯太白犯建星西第二星甲辰犯  
建星西第三星丙午太陰犯五車東南星辛亥犯軒轅  
左角巳未填星犯東咸上星庚申太陰入斗魁太白犯

牛宿 二月戊寅太陰犯軒轅大星巳卯犯靈臺中星  
三月戊申填星退犯東咸上星六月辛巳又退犯鏡  
閉星 八月太陰犯昴 閏八月巳亥填星犯罰星南  
第一星太陰犯斗宿南第二星庚戌犯昴宿南第二星  
乙卯犯鬼宿東南星 九月丙寅太陰犯斗宿距星戊  
辰太白犯東咸上第二星甲申太陰犯軒轅御女乙酉  
犯靈臺南第一星庚寅太白犯斗宿北第二星 十月  
辛亥太陰犯酒旗上星 十一月辛未熒惑犯氐宿距  
星丁丑太陰犯鬼宿東南星戊寅太白犯壘壁陣西第  
六星 十二月太陰復犯昴庚子熒惑犯房宿上星壬  
子犯東咸上第二星乙卯太白犯外屏西第二星太陰

犯斗宿距星 五年正月庚午太陰犯井宿東扇上星  
乙亥熒惑犯天江上星 二月甲午太陰犯昴宿上西  
第一星壬寅犯靈臺下星 四月壬寅犯日星及房宿  
距星五月庚午犯心宿後星壬申犯斗宿西第四星丙  
子太白犯畢宿右股西第三星 六月甲辰熒惑退入  
南斗魁內 七月辛酉犯南斗魁尖星壬戌如之甲子  
復如之又犯房宿距星 八月甲午太陰犯斗宿西第  
四星丁酉太白犯軒轅大星乙巳太陰犯昴宿上行西  
第三星 十月己亥熒惑犯壘壁陣西方第六星 十  
一月丁巳犯壘壁陣東方第五星 十二月甲午太陰  
犯昴宿距星癸丑熒惑犯外屏西第三星 六年正月

丁卯太陰犯鬼宿距星乙亥犯房宿距星二月己丑犯  
昴宿丙申犯太微西垣上將癸卯犯心宿大星丁未犯  
羅堰南第一星戊申癸亥犯月星太陰犯虛梁南第二  
星 三月癸亥犯軒轅右角庚午犯房宿距星壬申犯  
南斗杓第二星丙子犯虛梁南第一星戊寅太白犯月  
星 四月乙巳太陰犯雲雨西北星五月丁卯犯斗宿  
西第二星辛未犯虛梁西第二星 六月辛亥太白犯  
歲星又太白歲星皆犯右執法 七月庚申太陰犯心  
宿距星又犯心宿中央大星甲子犯羅堰九月辛酉犯  
虛梁北第一星丁卯犯昴宿距星癸亥犯歲星甲戌太  
陰犯軒轅右角 十月丁酉太白入南斗魁己亥太白

犯斗宿中央東星 十一月乙卯太陰犯虛梁西第一  
星戊午熒惑犯氐宿距星丙寅辰星犯東咸上第一星  
戊寅辰星犯天江北第一星 十二月癸未太陰犯虛  
梁北第一星乙酉犯土公東星丁亥熒惑犯鉤鈐南星  
乙未犯東咸北第二星戊戌太陰犯明堂星 至正元  
年甲寅熒惑犯天江上星庚申太陰犯井宿東扇北第  
二星辛未犯心宿距星癸酉犯斗宿北第二星 二月  
癸巳犯明堂東南星三月癸酉犯雲雨西北星六月庚  
午犯井宿距星七月乙酉犯填星庚寅犯雲雨西北星  
九月庚辰犯建星南第二星壬辰犯鉞星又犯井宿距  
星 十月己卯歲星犯氐宿距星丁巳太陰犯月星

十一月己亥犯東咸南第一星庚子犯天江北第二星  
十二月丁巳太白犯魁離陣東方第五星 二年正  
月戊子太陰犯明堂北第二星甲午熒惑犯月星 三  
月戊子太陰犯房宿北第二星 四月庚申犯羅堰上  
星七月乙未掩太白九月丁丑犯羅堰北第一星戊子  
犯井宿東扇南第一星十月癸卯犯建星北第三星甲  
寅犯天關 三年二月甲辰太陰犯井宿西扇北第二  
星填星犯牛宿南第一星熒惑犯羅堰南第一星乙卯  
太陰犯氐宿東南星三月壬午犯氐宿東南星七月庚  
辰犯右執法 四年十二月壬戌太陰犯外屏西第二  
星 七年七月丙辰太陰犯羅堰東第一星 十一

續文獻通考

卷之二百十八

九

四十五

月庚戌太陰犯天廩西北星 八年二月庚辰太陰犯  
軒轅左角癸未犯平道東星三月丙辰犯建星西第一  
星八月丙子犯壘壁陣西方第五星九月己未犯靈臺  
東北星 九年正月庚戌太白犯建星東第三星辛亥  
太陰犯平道西星二月甲申犯建星西第二星 三月  
己亥太白犯壘壁陣東方第六星 七月丙午太陰犯  
壘壁陣東方南第一星癸丑犯天關 九月丙戌熒惑  
犯靈臺上星 十一月戊辰太陰犯畢宿左股北第三  
星庚辰太白犯壘壁陣西方第二星十二月戊戌犯壘  
壁陣東方第五星 十年正月壬申太陰犯熒惑二月  
辛丑犯平道東星甲辰犯鍵閉 三月己卯熒惑犯大



微西垣上將 四月丙午太白犯鬼宿西北星 七月  
辛酉太陰犯房宿北第一星 九月壬戌熒惑犯天江  
南第二星 十月癸巳歲星犯軒轅大星丙申太陰犯  
昂宿右股東第二星 十一月戊辰太陰犯鬼宿東北  
星十二月乙未犯鬼宿西北星 十一年正月丙戌辰  
星犯牛宿西南星 二月庚寅太陰犯鬼宿東北星乙  
未犯太微東垣上相丁酉犯亢宿躔星 三月丁卯太  
陰犯東咸第二星戊辰犯天江西第一星七月己未犯  
斗宿東第三星壬戌太白犯右執法甲子太陰犯壘壁  
陣東方第一星己巳太白犯太微垣左執法熒惑入犯  
鬼宿積尸氣 八月乙酉太陰犯天江南第二星 九

月乙卯辰星犯太微垣左執法丁巳太白犯房宿第二  
星戊辰太陰犯鬼宿東北星 十月戊寅熒惑犯太微  
西垣上將辛巳太陰犯斗宿距星乙酉太白犯斗宿西  
第二星巳丑熒惑犯歲星辛卯太白犯斗宿西第四星  
癸巳歲星犯右執法丙午熒惑犯太微垣左執法 十  
一月丁巳太陰犯填星 十二月庚辰太白犯壘壁陣  
西第六星甲申太陰犯填星丙戌太白犯壘壁陣西第  
七星丁酉太陰犯熒惑庚子辰星犯天江西第二星  
十二年正月乙丑太陰犯熒惑巳巳歲星犯右執法  
二月庚寅太陰犯太微東垣上相癸巳犯氐宿距星  
三月戊午太陰犯進賢壬戌犯東咸西第一星 五月

癸酉太白犯填星六月辛亥犯井宿東第二星 七月  
丁酉辰星犯靈臺北第二星 八月丁卯太白犯歲星  
九月壬辰太陰犯軒轅南三星十月戊午犯鬼宿東  
北星甲子犯歲星乙丑犯亢宿南第一星十一月庚寅  
犯太微東垣上相 十三年正月乙酉太陰犯太微東  
垣上相二月己酉犯軒轅南第三星庚戌太白犯熒惑  
壬子太陰犯太微東垣上相 四月辛丑太白犯井宿  
東扇北第一星辛亥太陰犯房宿北第二星五月乙亥  
犯歲星九月庚寅犯熒惑壬辰熒惑犯左執法 十月  
甲辰歲星犯氐宿距星癸亥太白犯亢宿距星 十一  
月壬申太陰犯壘壁陣第四星 十二月丁酉太白犯

東咸北第一星庚子熒惑入氐宿丁巳太陰犯心宿距星 十四年正月乙丑熒惑犯歲星丁卯太白犯建星西第二星癸酉熒惑犯房宿北第一星 二月戊午太白犯壘壁陣西第八星 六月甲辰太陰入斗宿南第一星七月乙丑犯角宿距星壬午犯昂宿距星十月壬子犯太微垣右執法十一月丙子犯鬼宿東北星十二月己亥掩昂宿 十五年正月戊辰太陰犯五車東南星辛未犯鬼宿東北星 閏正月丁未犯心宿後星三月庚寅犯五車東南星五月丙申犯房宿距星 九月乙丑太白入犯太微垣左執法 十月己未太陰犯壘壁陣西方第二星癸酉犯軒轅大星 十一月乙酉熒

惑犯氐宿距星庚寅垣四星惑犯井宿東扇北第七星  
亥太陰犯鬼宿東北星 十二月癸丑惑犯斗宿北  
第一星 十六年正月己丑太陰犯昴宿西第一星  
四月癸亥惑犯虛壁陣西方第四星 五月壬辰太  
陰犯鬼宿西北星癸巳太白犯鬼宿積尸氣甲午太陰  
入犯斗宿南第二星丁酉犯虛壁陣西方第一星 八  
月丁卯犯昴宿西北星十一月壬辰犯井宿東扇上星  
十七年二月癸丑太陰犯五車東南星 三月甲申  
入犯鬼宿積尸氣又犯東南星壬辰歲星犯虛壁陣西  
第六星 七月癸未太白入犯鬼宿積尸氣甲申太陰  
入犯斗宿距星丁亥填星入犯鬼宿距星 八月癸卯

填星犯鬼宿東南星太白犯軒轅大星巳酉歲星犯壘  
壁陣西方第六星甲子太陰犯五車尖星 閏九月丙  
午犯斗宿南第三星庚申犯井宿東扇北第一星 十  
月乙亥熒惑犯氐宿距星甲申太陰掩昴宿 十二月  
庚午朔熒惑犯天江北第一星戊寅太白犯歲星庚辰  
太白犯壘壁陣東方第五星甲申太陰犯鬼宿距星丁  
亥歲星犯壘壁陣東方第五星癸巳太陰犯心宿後星  
十八年正月辛丑填星退入犯鬼宿積尸氣丙午太  
陰犯昴宿 二月乙亥填星入守鬼宿積尸氣 三月  
丁卯熒惑犯壘壁陣東方第六星 四月辛卯太白入  
犯鬼宿積尸氣五月壬寅犯填星壬子太陰犯斗宿東

第三星七月丁未犯斗宿南第三星八月壬申掩心宿  
大星甲申掩昴宿距星十月巳卯犯昴宿距星十一月  
丙午犯昴宿距星太白犯房宿上第一星辛酉太陰掩  
心宿大星 十二月戊子太陰犯房宿南第二星 十  
九年正月辛丑太陰犯昴宿東第一星三月庚戌犯房  
宿距星 五月丙申熒惑入犯鬼宿積尸氣丙午太陰  
犯天江南第一星丁未太陰犯斗宿北第二星 七月  
丁酉太白犯上將甲辰犯右執法巳酉犯左執法 九  
月甲寅入犯天江南第一星 十月壬申入犯斗宿南  
第三星十一月犯斗十二月戊辰犯壘壁陣西方第七  
星 二十年正月巳亥太陰犯井宿東扇北第二星丙

辰熒惑犯斗宿東角星 四月丁卯太陰犯明堂中星

癸酉犯東咸西第一星五月癸卯犯建星西第二星

六月癸巳太白犯井宿東扇北第二星戊戌太陰犯建

星西第三星七月丁丑犯井宿距星八月辛卯犯天江

北第二星壬寅填星犯太微西垣上將甲辰太陰犯井

宿鉞星 十月戊子熒惑犯井宿東扇北第一星 二

十一年正月庚申太陰犯歲星 二月癸未填星退犯

太微西垣上將壬寅太陰犯天江北第一星 三月丙

辰犯井宿西扇第二星庚辰熒惑入犯鬼宿西北星

五月壬戌太陰犯房宿北第二星癸酉太白犯軒轅左

角甲戌熒惑犯太白 六月戊戌太陰犯雲雨上二星



七月丙辰犯氐宿東南星十月甲申犯牛宿距星十一  
月庚戌犯建星西第四星癸亥犯井宿東扇四星壬申  
犯氐宿東南星 二十二年正月戊申朔太白犯建星  
星西第二星 乙卯填星退犯左執法 二月己卯太  
白犯壘壁陣西第二星 五月辛酉太陰犯建星西第  
四星八月癸巳犯畢宿右股第二星 九月丁未太白  
犯亢宿南第一星己酉太陰犯牛宿北第一星癸亥歲  
星犯軒轅大星丙寅熒惑犯鬼宿西北星己巳犯鬼宿  
積尸氣 十月己卯太陰犯牛宿距星丁亥辰星犯亢  
宿南第一星戊子太陰犯畢宿距星十二月壬辰犯角  
宿頭星 二十二年正月庚戌退犯軒轅大星 三月

丙辰太陰犯氐宿距星 四月辛丑熒惑犯歲星庚申  
歲星犯軒轅大星 五月乙未熒惑犯右執法 六月  
乙卯太白犯井宿西扇北第二星壬辰入犯井宿東扇  
南第二星 八月壬寅入犯軒轅太星乙巳太陰犯建  
星東第二星丁未太白犯軒轅左角丙辰太陰犯畢宿  
右股北第二星辛酉太白犯歲星乙丑入犯右執法  
九月辛未入犯左執法乙亥歲星入犯右執法丁丑辰  
星犯填星丁亥太白犯填星辰星犯亢宿南第一星  
十月癸卯太白犯氐宿距星戊午犯房宿北第一星  
十一月癸未太陰犯軒轅右角歲星犯太微垣左執法  
二十四年正月癸酉太陰犯畢宿大星戊寅犯軒轅

右角 二月壬子歲星自去年九月九日東行入右掖門犯右執法出端門留守三十餘日犯左執法今逆行入端門西右掖門又犯右執法太陰犯西咸第一星四月丁未如之癸丑太白入犯井宿東扇北第一星五月甲戌太白犯鬼宿西北星乙亥又犯積尸氣歲星入犯右執法 六月丁巳太白犯右執法 七月甲子歲星犯左執法 八月丁未熒惑入犯鬼宿積尸氣 九月甲申太陰犯軒轅右角戊子熒惑入犯軒轅大星 十月丙午太陰犯畢宿大星巳酉太陰犯井宿東扇南第一星丙辰太白犯斗宿西第二星 十二月乙卯太陰犯太白 二十五年正月戊辰太陰犯畢宿右股東

第四星甲戌太白犯建星西第四星 二月丙午太陰  
犯填星 三月戊辰太白犯壘壁陣東方第五星 四  
月壬子熒惑犯靈臺東北星 五月辛酉犯太微西垣  
上將 七月己卯太陰犯畢宿左股北第二星 八月  
乙未犯建星東第三星己亥犯壘壁陣東方第六星  
九月丁丑犯井宿東扇南第一星 十月辛卯熒惑犯  
天江東第二星己酉熒惑犯斗宿杓星西第二星太陰  
犯右執法庚戌犯太微垣上相 閏十月戊辰太陰犯  
畢宿右股北第四星又犯左股北第三星壬申太白犯  
辰星 十一月己丑犯熒惑太陰犯壘壁陣東方第五  
星丙申犯畢宿大星癸卯犯太微西垣上將 十二月

丙辰犯太白癸亥犯畢宿右股第二星庚午歲星掩房  
宿北第一星辛未太陰犯太微垣右執法 二十六年  
正月戊戌太陰犯太微西垣上將辛丑犯亢宿距星  
二月戊午犯畢宿大星丁丑歲星退犯房宿北第一星  
守鉤鈐 三月甲午太陰犯左執法四月己未犯軒轅  
大星乙丑犯西咸西第一星丙子太白入犯鬼宿積尸  
氣 七月丁酉熒惑犯鬼宿積尸氣 八月己未太陰  
掩牛宿南三星歲星犯鉤鈐乙亥太陰掩軒轅大星  
九月壬辰太白犯太微垣右執法甲辰太陰犯太微西  
垣上將丙午熒惑犯太微西垣上將 十一月乙酉太  
白犯填星丁亥太白犯房宿北第一星戊子熒惑犯太

微東垣上相太白犯鍵閉庚寅太陰犯畢宿右股北第  
四星庚子犯太微東垣上相辛丑填星犯房宿北第一  
星中辰太白犯歲星 十二月戊午太陰犯畢宿大星  
庚申犯井宿西扇北第二星乙丑犯軒轅左角丙寅犯  
太微西垣上將辛未犯西咸西第一星甲戌犯建星西  
第三星 二十七年正月癸巳太陰犯太微西垣上將  
二月乙卯犯井宿西扇北第二星 三月辛巳填星退  
犯鍵閉 四月丙寅太陰犯壘壁陣西方第四星 六  
月乙卯犯氏宿東北星辛未犯井宿西扇北第二星  
七月壬辰熒惑犯以宿東南星丙申太陰犯畢宿大星  
巳亥犯井宿東扇南第二星 八月庚戌熒惑犯房宿

北第二星癸丑太陰犯建星西第二星 九月丁丑填  
星犯房宿北第一星癸惑犯天江南第二星乙酉太陰  
犯壘壁陣東方第六星辛卯填星犯鍵閉太陰犯畢大  
星癸巳犯井宿西扇北第二星丁酉癸惑犯斗宿西第  
二星 十月戊午太陰犯畢宿右股西第二星辛酉犯  
井宿東扇南第三星癸亥犯鬼宿西南星 十一月庚  
辰太陰犯壘壁陣東方第一星

皇明

太祖洪武七年十二月太陰犯軒轅左角 上諭中書省  
臣曰太陰犯軒轅占云大臣黜免爾中書宜告各省衛  
官知之凡政務有乖政體者宜速改以求自安 九年

閏九月以五星素度日月相刑 詔求直言淮安海州  
學正曾秉正上修德弭災疏 上嘉之召至京擢思文  
監丞 十五年壬戌秋九月乙丑熒惑犯南斗時大將  
傅友德征雲南 太祖因 賜敕曰上天垂象宜嚴加  
戒飭以備不虞 十八年春二月己巳初昏五星並見  
十九年夏四月熒惑留南斗 二十三年庚午春正  
月熒惑入南斗 三十年丁丑冬十月熒惑犯南斗  
三十一年熒惑守心時四川岳池縣教諭程濟占應兵  
起北方期在明年因上書于朝 朝廷怒其妄言逮京  
詔獄明年靖難兵果起北平

成祖永樂元年夏四月太白出昴北



宣宗宣德六年秋九月熒惑犯南斗 八年癸丑秋八月

熒惑犯南斗

英宗正統十四年秋七月熒惑入南斗未幾土木報至

憲宗成化元年十一月乙丑夜月犯太微垣上將星 十

二月丙子曉刻金星犯鍵閉星癸巳夜月犯右執法星

二年丙戌太白曳入南斗 八月乙未夜火星犯壘

壁陣東方第一星 四年八月甲午夜月犯房宿南第

二星 五年春正月乙丑夜月犯五諸侯南第一星巳

巳夜月入鬼宿犯積尸氣戊寅夜月犯心宿 二月癸

巳曉刻金星犯牛宿丙申夜月犯木星又犯鬼宿 二

月巳未月犯昂宿癸亥夜月犯木星甲子夜月犯軒轅

御女星

秋七月巳酉曉刻木星犯軒轅大星

六年

三月癸未昏刻月犯金星

七月戊戌曉刻月犯昴宿

八月巳巳月犯天尊星

九月丙子曉刻金星犯軒

轅左角星

甲午夜金星犯左執法

巳亥曉刻金星

犯木星

庚子曉刻金星犯左執法

七年二月丁卯

曉刻月犯羅堰星

四月乙卯夜木星入太微垣留守

端門

閏九月辛亥曉刻土星犯天高星

八年正月

夜月犯軒轅左角星

癸酉曉刻月犯金星

二月甲

申曉刻金星犯辰壘壁陳東第五星

十一月癸丑曉

刻木星犯鉤鈴

十一年癸卯曉刻月犯牛宿大星

五月乙卯昏刻月犯明堂中星

十三年閏二月壬子

夜月犯進賢星十五年冬十二月二十日夜金星犯南斗十八年九月庚戌金星書見于申二十三年八月甲申夜金星犯亢宿

武宗正德元年七月五星陵犯二年五官監候楊源奏二年以來火星入太微垣帝座前東西往來不一

世宗嘉靖三年甲申春正月五星聚營室欽天監掌監事光祿少卿樂護疏入下禮部議禮臣覆請稽乾象順時宜圖任老成斥遠群小崇敬畏戒逸欲嚴諸一心以爲祈天永命之本其他齋醮祈禳異端小說不宜輕信以啓倖門十八年秋閏七月庚申木火水金星聚東井十九年庚子九月壬子熒惑入南斗數日冬十月

水土金星聚于角 二十一年壬寅秋八月丁酉熒惑  
掩南斗 二十三年甲辰七月熒惑入南斗占主東南  
大饑是冬至明年春江南果斗米二錢 二十三年六  
月熒惑犯南斗

穆宗隆慶元年正月二十八日夜月犯角宿南星 三月  
戊午夜水星逆行守亢宿 二年六月火星犯太微西  
垣右執法 三年八月丁未夜火星犯鬼宿 十月朔  
彗星見于天市垣色蒼白芒皆東北長二丈餘至二十  
日滅 四年五月己卯夜火星順行犯太微垣右執法  
十一月月犯畢宿 五年二月丙寅夜月犯畢左股  
第二星 八月丙辰月犯軒轅大星 九月己卯月犯

井宿西扇北第二星 甲申夜月犯軒轅左角星 六年正月戊寅夜月犯亢宿 閏二月辛酉夜月犯畢宿 今上萬曆二十七年九月太白太陰同見於午 三十年九月二十六日內靈臺奏九月二十三日辛巳夜五更東北地方有星如雞卵大青白色尾跡有光起自下臺星東北行至近西南方有星如碗大青白色尾跡炸散光照地起自參宿西南行入天苑星後有二小星隨之 後有大小流星數百紛錯隨行